



Prishtinë, 28 shkurt 2019  
Kodi i ZRRE-së: V\_1113\_2019

#### Bordi i Zyrës së Rregullatorit për Energji

##### Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084),
- Nenin 16 paragrafi 5 të Rregullës për Procedurën e Autorizimit për Ndërtimin e Kapaciteteve të reja,
- Vendimin për Lëshimin e Autorizimit Final V\_757\_2016 të datës 28 janar 2016 për shoqërinë "Hydro - Line" SH.P.K., për ndërtimin e kapaciteteve të reja gjeneruese për prodhimin e energjisë elektrike nga uji, HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës, dhe
- Kërkesën për shtyrjen e afatit të vlefshmërisë të Autorizimit V\_757\_2016 të datës 28 janar 2016, edhe për gjashtë (6) muaj, për ndërtimin e kapacitetit të ri gjenerues për prodhim të energjisë elektrike nga Uji, HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës, të datës 22.01.2019 të shoqërisë "Hydro Line" SH.P.K., me adresë "Mbretëresha Teutë", p.n. -Mitrovicë, Republika e Kosovës,

në seancën e mbajtur me datë 28 shkurt 2019 nxori këtë:

### V E N D I M

- I. **APROVOHET** kërkesa e shoqërisë "Hydro Line" SH.P.K. dhe **SHTYHET** afati i vlefshmërisë së Autorizimit V\_757\_2016 i datës 28 janar 2016, i vazhduar me vendimin V\_935\_2018 të datës 29 mars 2018 për vazhdimin e ndërtimit të kapaciteteve të reja gjeneruese për prodhimin e energjisë elektrike nga uji, HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës, edhe për gjashtë (6) muaj, gjegjësisht deri me **28 korrik 2019 për përfundimin e ndërtimit të Hidrocentralit.**

### A r s y e t i m

- o ZRRE me datë 03.05.2013 nga shoqëria "Hydro - Line" SH.P.K., ka pranuar kërkesën/aplikacionin për ndërtim të kapaciteteve të reja gjeneruese për prodhim të energjisë elektrike nga uji, në



Lumin Bistrica, HC Albaniku 3, me kapacitet të instaluar prej 9.85 MW, në lokacionin "Batahir", ZK Batahir, komuna e Mitrovicës.

- Bordi i Zyrës së Rregullatorit për Energji, pas analizimit të dëshmimeve të prezantuara nga shoqëria "Hydro Line" SH.P.K., ka vendosur se ky aplikacion ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese nga Uji, dhe ka lëshuar Vendimin mbi Njoftimin për Autorizimin Preliminar V\_537\_2013 me datë 28 qershor 2013, dhe ka udhëzuar aplikuesin që ti plotësoj kërkesat tjera ligjore që kërkohen me legjislacionin në fuqi në Kosovë. Vendim mbi njoftimin për autorizimin preliminar, nuk ka nënkuptuar edhe lëshimin e Autorizimit Final për Ndërtim, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- ZRRE me datë 26.05.2015 nga shoqëria "Hydro - Line" SH.P.K., ka pranuar kërkesën për vazhdimin e afatit të vlefshmërisë së vendimit V\_537\_2013 mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga uji, në Lumin Bistrica, Hidrocentrali HC Albaniku 2 Lokacioni "Batahir" ZK "Batahir", komuna e Mitrovicës, për kompletimin e aplikacionit për marrjen e Autorizimit Final.
- Bordi i ZRRE-së, pas vlerësimit të kërkesës dhe dëshmimeve relevante me datë 15.06.2015 ka aprovuar kërkesën me Vendimin V\_735\_2015 për shtyrjen e afatit të vlefshmërisë së Vendimit mbi Njoftimin për Autorizimin Preliminar V\_537\_2013 dt. 28 qershor 2013, edhe për 6 (gjashtë) muaj, gjegjësisht deri me 28 dhjetor 2015, në mënyrë që brenda kësaj periudhe të kompletohet aplikacioni për marrjen e Autorizimit Final.
- ZRRE me datë 09.10.2015 nga shoqëria "Hydro - Line" SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar në Autorizimin Final për ndërtimin e kapaciteteve të reja gjeneruese për prodhim të energjisë elektrike nga Uji, për HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i Zyrës së Rregullatorit për Energji, me datë 28 janar 2016 pas shqyrtimit dhe analizimit të dokumentacionit, ka vendosur që shoqërisë "Hydro Line" SH.P.K., ti lëshohet Autorizimi Final V\_757\_2016 për ndërtimin e kapaciteteve të reja gjeneruese, për prodhimin e energjisë elektrike nga Uji, për HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës.
- ZRRE me datë 26.01.2018 nga shoqëria "Hydro Line" SH.P.K., ka pranuar kërkesën për vazhdimin e afatit të vlefshmërisë të Vendimit për Autorizimin Final V\_757\_2016 të datës 28 janar 2016, për HC Albaniku 2, me kapacitet të instaluar prej 3.556 MW, në lokacionin "Batahir", ZK Batahir, komuna e Mitrovicës, **për kompletimin e ndërtimit edhe për një (1) vit, gjegjësisht deri me 28 janar 2019.**
- Bordi i ZRRE-së, në mbledhjen e mbajtur me datë 29 mars 2018, pas shqyrtimit dhe vlerësimit të kërkesës dhe dëshmimeve relevante, ka aprovuar kërkesën e shoqërisë "Hydro Line" SH.P.K., dhe me vendimin V\_935\_2018 ka vendosur që ti lejohet shtyrja e afatit të vlefshmërisë të vendimit për autorizimin Final V\_757\_2016 të datës 28 janar 2016 edhe për një (1) vit, gjegjësisht deri me 28 janar 2019, në pajtim me dispozitat ligjore të Rregullës për procedurën e Autorizimit.



- ZRRE me datë 22.01.2019 nga shoqëria “Hydro Line” SH.P.K., ka pranuar kërkesë për vazhdim të afatit të vlefshmërisë të Vendimit për Autorizimin Final V\_757\_2016 të datës 28 janar 2016, i vazhduar me Vendimin V\_935\_2018 të datës 29 mars 2018, për HC Albaniku 2 me kapacitet të instaluar prej 3.556 MW, për një afat shtesë për zgjatjen e periudhës së ndërtimit edhe për gjashtë (6) muaj, gjegjësisht deri me 28 korrik 2019.
  - Shoqëria “Hydro Line” SH.P.K., ka parashtruar kërkesën për shtyrje të afatit të vlefshmërisë së vendimit për Autorizim, dhe në kërkesën e saj ka sqaruar se: kanë përfunduar punimet në ndërtimin e ndërtesës së centralit, vepra e marrjes, tubacioni dhe linja e transmetimit të energjisë 35 kW të projektit HC Albaniku 2, edhe përkundër përfundimit të këtyre punimeve është detyruar të drejtohet Bordit të ZRRE-së, për mundësinë e shtyrjes së vlefshmërisë së autorizimit për HC Albaniku 2, edhe për gjashtë (6) muaj deri në vënien në operim të projektit.
  - Arsyeja e kërkesës për shtyrje të afatit të vlefshmërisë së Autorizimit Final për Hidrocentralin HC Albaniku 2 , vjen për shkak të shtyrjes së liferimit të kompanisë së prodhimit të pajisjeve elektromekanike nga Austria. Gjithashtu ka theksuar se në vazhden e realizimit të këtij projekti për të cilën do të vejmë në operim brenda këtij afati shtesë të kërkuar nga ana e tyre, do të finalizohet edhe ky hidrocentral dhe të futet në operim.
  - Andaj, duke pasur parasysh të gjitha ato që i paraqitëm më lartë, kërkojnë nga Bordin e ZRRE-së, që bazuar në dispozitat ligjore të Rregullës së procedurës së autorizimit për ndërtimin e kapaciteteve të reja gjeneruese në fuqi në datën e lëshimit të Autorizimit V\_757\_2016, të datës 28 janar 2016, për ndërtimin e hidrocentralit HC Albaniku II. me kapacitet të instaluar prej 3.556 MW, si projekt i rëndësishëm për prodhimin e energjisë nga Burime e Rinovueshme, të aprovohet kërkesa për lejimin e shtyrjes së afatit të vlefshmërisë së Autorizimit për ndërtimin e hidrocentralit HC Albaniku II. **edhe për gjashtë muajt, pasi që mos-përfundimi i realizimit të këtij projekti ka ardhur nga faktorët e ndryshëm teknik, nga mos mundësia e furnizimit me pajisjeve elektronergjetike nga kompania austriake e kontraktuar për prodhimin e turbinave, dhe brenda këtij afati do ti bëjnë të gjitha përpjekjet për të finalizuar projektin në fjalë.**
  - Bordi i ZRRE-së, pas analizimit të kërkesës të shoqërisë “Hydro Line” SH.P.K., dhe dëshmime të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve të reja gjeneruese për prodhimin e energjisë elektrike nga uji, për HC Albaniku 2, me kapacitet të instaluar prej 3.556 MW, në lokacionin “Batahir”, ZK Batahir, komuna e Mitrovicës, ka vlerësuar ato dhe ka konsideruar se për shkak të arsyeshmërisë së bazuar dhe të kompleksitetit të ndërtimit të Hidrocentraleve, dhe duke u mbështetur në shkresat e lëndës, ka vendosur që të lejohet shtyrja e afatit të vlefshmërisë së Autorizimit Final V\_757\_2016 i datës 28 janar 2016, edhe për një afat shtesë ligjor, duke u mbështetur në dispozitat ligjore të cekura në hyrje të këtij vendimi.
- II. Vendimi për Lëshimin e Autorizim V\_757\_2016 i datës 28 janar 2016, do të vlen deri me datë **28 korrik 2019**, sipas dispozitivin nën pikën I., të këtij vendimi, dhe në rast se pala nuk arrin të përfundoj ndërtimin e stabilimenteve të reja gjeneruese nga Hidrocentrali, apo nuk vepron në pajtim me legjislacionin në fuqi, vendimi do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.



**Këshillë juridike:** Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të ZRRE-së, cilado që ndodh e fundit.

**Bordi i ZRRE-së:**

Arsim Janova, u.d. Kryesues

Besim Sejfiqaj, anëtar

Selman Hoti, anëtar

Izet Rushiti, anëtar

**Vendimi iu dërgohet:**

- Palës,
- Komunës së Mitrovicës,
- Sekretarit të Përgjithshëm të MMPH-së dhe
- Arkivit të ZRRE-së